

Ing. Engelbrecht a señala:

Mester un maneho ambiental pa preveni y combati polucion


ORANJESTAD(AAN) -- Ing. Engelbrecht, hefe di Milieubeheer, a duna di conoce na DIARIO cu e efectonan di polucion por afecta e habitantenan.

Ing. Engelbrecht a enfatisa cu polucion ta tur accionnan humano y desaroyonan cu sin un bon maneho ambiental ta haci cambionan substancial y serio na e eco-systema entre otro naturalesa.

E accionnan aki ta saca e sistema for di balansa cu tur consecuencia: cambionan di temperatura, morto di specienan necesario pa e bida marina sobreviví, e concentracion di oxígeno den aire y awanan etc. ta worde reduci.

Algun ehemplo di e causanan di descarga di riool, cu ta contene entre otro quimiconan, metalnan toxico etc., ta entre otro descarganan industrial cu

POLUCION NA ARUBA



ta contene riool, quimiconan den concentracion halto y diferente tipo di petroli-gasolin, diesel, gasoil etc., cu ta contene componentenan y metalnan toxico.

Segun Ing. Engelbrecht pa loke ta trata petroli, esaki por sofoca e koralnan, kima parti di e bida marina y causa cancer na e piscanan cu nos ta come y finalmente hasta morto di esakinan.

Descarganan di color scur por influencia e photo-synthese esta e bida marina ta worde perhudica. Ta asina cu bida di lama mester cierto cantidad di rayonnan ultra-violet pa por sobreviví.

Quimiconan cu ta worde deposita por cambia e grado di acido den awa y causa morto di e bida marina y di pisca. Tambe ta asina cu e bacterianan patogenico (riool) ta afecta hende en general y causa malesanan serio mientras cu metalnan toxico ta intoxica e bida marina.

Segun Ing. Engelbrecht, en general tur e componentenan ariba menciona ta afecta hende si nan bin den contacto cu nan.

E causa di polucion di aire ta entre otro awanan, busnan, trucknan, chimeneanan di panaderianan, fabricanan y industrianan.

Pa loke ta trata autonan, Ing. Engelbrecht a enfatisa cu esakinan ta emití hidrocarbonnan, metalnan toxico, chumbo, cadmium.

E symptomanan di un per-

sona cu ta contamina ta cu e ta sinti dolor di cabez, nausea y cancer.

Investigacion a indica cu chimeneanan ta saca sulfura dioxido, nitrogeno oxide y diferente tipo di carbon cu ta causa infeccion na garganta y pulmon y tambe cancer di stoma, pulmon y garganta.

Tambe cierto componente ta forma acido ora e aire ta humedo, cu lo afecta/come dak di zim y metal di auto, causa tur metal ta frustia y causa buraco den paña y afecta verf di stiel y matanan. Stofnan ta causa silicosis. Asbestos den aire ta causa cancer na pulmon. Demasiado rayonnan genera pa boileran lo por afecta circulacion di sanger, causa presion halto y dolor di cabez. Hopi desorden lo causa problemanan conoci manera dolor di cabez y otro problemanan.

Radioactividad na cierto concentracion lo causa sacamento, nausea, afecta bo celnan y sanger y finalmente morto.

Ing. Engelbrecht a enfatisa cu e polucion ta afecta turismo. E riool cu ta worde descarga den haf di Playa tin su efectonan ariba turismo ora cu esaki bin den contacto cu beach.

Slijm/cabeanan descarga den

lama via e poolnan tambe tin su efectonan.

Descarganan di riool, petroli, ballast y barconan para afor tambe ta dal nos beachnan y contamina nos awanan di recreacion.

Tur dia e barconan ta descarga diesel y gasnan den awa. E otro tour boatnan ta descarga riool den awa.

Na Bali, Swain Wharf e riool, azeta cu a worde descarga den haf y lagoen a causa formacion di alg y ta generando holo sumamente malo.

Ing. Engelbrecht tambe a splica DIARIO e efectonan y causa di polucion ariba un ser humano.

Componentenan di quimico of metalnan cu ta causa cancer ta entre otro metalnan di diesel, hidrocarbon den mayoria di azetanan, cycle oil, pesticides insectisidanan, isocyanide, cyanide, azetanan di transformer (PCB-polygechloreerde koolwaterstoffen) y asbesto.

Otro materialnan toxico y peligroso, chumbo y su componentenan (chumbo ta entre otro den gasolin) antimony, fenol (den azeta y petroli), isocyanide (den tratamiento di foam), e solventenan organico cu por haya den hardware, negoshinan, substancianan photo farmaceutico, biocidanan y farmaceutico, peroxide, chlorates, perchlorides, azeta, ethers, asbesto, acidonan usa pa trata metal entre otro kita verf for di auto etc.

Ing. Engelbrecht a señala cu tur esakinan ta contaminando nos awanan recreacional, subsuelo of aire den un forma of

Sigui lesa pag. 19